



Broj: 02-05-1818/17-AP-10
Datum: 30.06.2017. godine

Na osnovu 1. sjednice Privrednog savjeta općin Zavidovići, koja je održana 30.06.2017. godine u velikoj sali zgrade Općine Zavidovići sa početkom u 9:00 sati, sastavljam

ZAPISNIK

Na sjednici Privrednog savjeta prisutni su: Hašim Mujanović, Remzo Sinanović, Aldin Šušić, Sabahudin Horozović, Ibrahim Mujanović, Ernes Đelmić, Nakib Vuković, Halil Muharemović, Ilić Slađan, Mirsad Dedić, Amira Šibonjić, Ibro Hadžić, Almir Mustafić.

Na sjednici privrednog savjeta nisu prisutni: Džeraldina Miličević, Huskanović Senad, Mrahorović Kemal, Enesa Bukvić, Aldin Žilić i Adnan Bajraktarević.

Prisutno 9 članova privrednog savjeta od ukupno 14 članova, od čega 5 članova iz ne javnog sektora.

Zbog odsutnosti tehničkog sekretara, zapisnik će voditi Nermin Čahtarević.

Predsjednik Privrednog savjeta Općinski načelnik Hašim Mujanović predlaže sljedeći dnevni red:

1. Upoznavanje sa pravima i dužnostima članova Privrednog savjeta općine Zavidovići,
2. Usvajanje Poslovnika o radu Privrednog savjeta općine Zavidovići,
3. Izbor zamjenika predsjednika Privrednog savjeta općine Zavidovići,
4. Nacrt odluke o komunalnim taksama Općine Zavidovići,
5. Program utroška sredstava iz Budžeta općine Zavidovići za 2017. godinu sa pozicije "Transfer za poticaj zapošljavanja i razvoj privrede",
6. Nacrt odluke o usvajanju Strategije razvoja poljoprivrede općine Zavidovići za period 2017. – 2022. godine (Strategiju dostavljamo u elektronskom obliku – CD-u zbog veličine materijala za printanje),
7. Nacrt odluke o zauzimanju javnih površina,
8. Nacrt odluke o administrativnim taksama općine Zavidovići,
9. Nacrt odluke o usvajanju Prostornog plana općine Zavidovići za period 2016.-2036. godine (Prostorni plan dostavljamo u elektronskom obliku – CD-u zbog veličine materijala za printanje),
10. Nacrt odluke o provođenju Prostornog plana općine Zavidovići za period 2016.-2036. godine,
11. Prijedlog odluke o pristupanju izradi izmjena i dopuna Regulacionog plana „CENTAR I“ Zavidovići,
12. Prijedlog odluke o pristupanju izradi izmjena i dopuna Regulacionog plana „CENTAR III“ Zavidovići,
13. Razno (Prijedlog rješenja o izmjeni i dopuni rješenja o osnovanju Privrednog savjeta općine Zavidovići).

Predsjednik Privrednog savjeta stavlja dnevni red na diskusiju i poziva članove Privrednog savjeta da predlože izmjenu ili dopunu predloženog dnevnog reda.

Diskusija: Diskusije nije bilo po ovoj tački dnevnog reda.

Prijedlozi za dopunu ili izmjenu dnevnog reda: Muharemović Halil predlaže sa se izvrši izmjena rješenja o osnivanju Privrednog savjeta općine Zavidovići i da se pored njegovog imena upiše da je član Savjeta ispred poljoprivrednih proizvođača, a ne ispred obrta i srodnih djelatnosti. Predsjednik Savjeta je pojasnio imenovanom da će se o tom prijedlogu raspravljati pod tačkom razno.

Nakon zaključivanja rasprave po prijedlogu dnevnog reda, isti usvojen jednoglasno.

Nakon usvajanja dnevnog reda prelazi se na rad po istom.

Ad.1. Upoznavanje sa pravima i dužnostima članova Privrednog savjeta općine Zavidovići

Predsjednik Privrednog savjeta upoznaje članove o njihovim obavezama, dužnostima i pravima, te poziva ih da ukoliko imaju određenih nejasnoća u vezi sa tim da postavljaju pitanja.

Predsjednik Privrednog savjeta stavlja ovu tačku dnevnog reda na diskusiju.

Diskusija: Diskusije po ovoj tački nije bilo.

Zaključci: Predsjednik savjeta konstatuje da su članovi Privrednog savjeta upoznati sa pravima i dužnostima.

Ad.2. Usvajanje Poslovnika o radu Privrednog savjeta općine Zavidovići

Predsjednik Privrednog savjeta napominje da su prijedlog Poslovnika o radu dobili kao materijal uz poziv, te stavlja ovu tačku dnevnog reda na diskusiju.

Diskusija: Muharemović Halil je predložio da se u Poslovniku o radu dodaju prava i dužnosti članova Privrednog savjeta.

Zaključci: Nakon zaključivanja rasprave po ovoj tački dnevnog reda, Poslovnik o radu Privrednog savjeta općine Zavidovići uz primjedbu Muharemović Halila je usvojen jednoglasno.

Ad.3. Izbor zamjenika predsjednika Privrednog savjeta općine Zavidovići

Predsjednik Privrednog savjeta stavlja ovu tačku dnevnog reda na diskusiju.

Diskusija: Remzo Sinanović je predložio da zamjenik predsjednika Privrednog savjeta bude Muharemović Halil. Nakib Vuković predlaže da zamjenik predsjednika Privrednog savjeta bude Ernes Đelmić. Muharemović Halil predlaže da zamjenik predsjednika Privrednog savjeta bude Ernes Đelmić.

Nakon zaključivanja rasprave po ovoj tački dnevnog reda, pristupilo se glasanju za izbor zamjenika predsjednika Privrednog savjeta. Za zamjenika predsjednika Privrednog savjeta imenuje se Ernes Đelmić sa 8 glasova za i 1 glas protiv.

Ad.4. Nacrt odluke o komunalnim taksama Općine Zavidovići

Predsjednik Privrednog savjeta napominje da su Nacrt odluke dobili kao materijal uz poziv, te stavlja ovu tačku dnevnog reda na diskusiju.

Diskusija: Uvodničar za ovu tačku je određen Mustafić Almir koji je naveo da je Nacrt ove Odluke prihvaćen na 9. sjednici Općinskog vijeća Zavidovići od 27.06.2017. godine i da je isti upućen u javnu raspravu. Dalje imenovani navodi da će na ovaj način privreda biti rasterećena za 100.000,00 KM zbog planiranog snižavanja iznosa komunalne takse naročiti za velika i srednja preduzeća.

Predsjednik Privrednog savjeta ističe da se vršila analiza iznosa komunalnih taksi u općinama iz okruženja koji imaju uveden BFC certifikat, te da će se sa primjenom iste započeti od 01.01.2017. godine. Poziva članove Privrednog savjeta da aktivno uzmu učešće u javnoj raspravi koja je u toku, buduće da je na 9. sjednici Općinskog vijeća Zavidovići od 27.06.2017. godine predmetna Odluka usvojena kao nacrt i upućena u javni raspravu.

Ibrahim Mujanović je pohvalio ovu aktivnost Općine Zavidovići i smara da će doći do rasterećenja vodećih firmi na području općine Zavidovići, i da će pozitivno uticati na privređivanje na području općine Zavidovići.

Ilić Slađan smatra da bi o ovom trebalo upoznati javnost zbog oslobađanja plaćanja takse za mlade i oslobađanje prilikom početka rada djelatnosti.

Đelmić Ernes smatra da bi Udruženje smostalnih privrednika Zavidovići i Raz d.o.o. Zavidovići trebali očitovati u javnoj raspravi po ovoj odluci. Također smatra da treba animirati javnost za javnu raspravu po ovoj odluci.

Aldin Šušić navodi da su vršili ranije analize Odluke o komunalnim taksama i da je ona na području općine Zavidovići uvijek bila među najnižim, te smatra da bi akcenat trebalo dati na marketingu ovakvih aktivnosti.

Ilić Slađan smatra da bi trebalo odašiljati pozitivne slike iz Zavidovića.

Nakon zaključivanja rasprave po ovoj tački dnevnog reda, Privredni savjet prihvata Nacrt odluke o komunalnim taksama Općine Zavidovići, te se podržava ova aktivnost Općine Zavidovići u cilju rasterećenja privrede, oslobađanja mladih od plaćanja takse, te lica koja počinju sa obavljanjem djelatnosti. Pozivaju članovi Privrednog savjeta da svoje prijedloge i primjedbe dostave predsjedniku Privrednog svajeta u cilju davanja prijedloga i mišljenja u toku javne rasprave po Nacrtu odluke. Također su članovi Privrednog savjeta slobodni da u svoje ime mogu učestvovati u javnoj raspravi po Nacrtu odluke.

Privredni savjet donosi zaključak:

- Zadužuju se Udruženje samostalnih privrednika i RAZ d.o.o. Zavidovići da se uključe u javnu raspravu i podnesu prijedloge i komentare na istu.

Ad.5. Program utroška sredstava iz Budžeta općine Zavidovići za 2017. godinu sa pozicije "Transfer za poticaj zapošljavanja i razvoj privrede"

Predsjednik Privrednog savjeta napominje da su Programe dobili kao materijal uz poziv, te stavlja ovu tačku dnevenog reda na diskusiju.

Diskusija: Mustafić Almir je predstavio prijedlog Programa, napomenuo da se radi još o radnoj verziji dokumenta i pozvao članove Privrednog savjeta da aktivno učestvuju u njegovoj izradi do konačne verzije Programa koja će biti donesen.

Đelmić Ernes smatra da je mjera 3.3. Programa, postupak i aktivnosti, slabi na području općine Zavidovići. Smatra da bi program trebao sadržavati formiranje tima za IPA Fondove po uzoru na neke općine iz okruženja, koji će raditi na pripremi elaborata i projekata. Također predlaže da se u okviru ove aktivnosti planira saradnja sa našim sugrađanima koji vode uspješne firme ili se nalaze na ključnim pozicijama izvan Zavidovića, naročito sa mlađim osobama kojih je jako puno.

Almir Mustafić je ponovo napomenu da se radi o Programu iz koga su sredstva namijenjena za poslovni sektor.

Muharemović Halil pohvaljuje Program što je onemogućeno dvostruko finansiranje mjera i aktivnosti. Dalje smatra da treba raditi na razvijanju poduzetničkog duha kod mladih. Raditi na poticanju koje se već realizuju. Postoji projekti koji se finansiraju uz 10 % općina i treba ih planirati u Program, naročito za Projekte u poljoprivredi za koje treba obezbijediti novčana sredstva.

Almir Mustafić obrazlaže nagrade za poslovne ideje, da je to sredstva koja se koriste kod otvaranja biznisa za osobe kojima budu dodijeljene. Postoji poseban transfer iz koga se sufinansiraju projekti i sredstva predviđena ovim programom nisu ta sredstva.

Ilić Slađan ističe da nije lako ostvariti prijekat i da vrlo često projekti na koje apliciraju ne budu neprihvaćeni.

Horozović Sabahudin smatra da sredstva od 12.000,00 KM namjenjena za sufinansiranje radnog odnosa na nedoređeno vrijeme u iznosu 350,00 KM mjesečno ne treba planirati za ovu namjenu, jer smatra da to nije dobro budući da ima projekata zapošljavanja koji sufinansiraju radna mjesta i sa 600,00 KM mjesečno pa nema interesanata. Dalje navodi da je trenutno trend odliva radne snage u inostranstvo, te da je samo za posljednja 3,5 mjeseca 122 radnika dobilo radne dozvole u Sloveniji. Predlaže da se ova sredstva usjere z finansiranje najbolje poslovne ideje.

Mujanović Ibrahim predlaže finansiranje timova za projekte.

Halil Muharemović slaže se sa primjedbama Horozović Sabahudina i da se sredstva prebace za mlade koji se odluče pokrenuti vlastiti posao.

Ilić Slađan smatra da je dobra primjedba Horozović Sabahudina, te da Privredni savjet treba raditi na zadržavanju radne snage.

Nakon zaključivanja rasprave po ovoj tački dnevnog reda, Privredni savjet prihvata prijedlog Program utroška sredstava iz Budžeta općine Zavidovići za 2017. godinu sa pozicije "Transfer za poticaj zapošljavanja i razvoj privrede", te se poziva svaki član Privrednog savjeta da u roku 15 dana dostavi svoje prijedloge za izradu konačne verzije Programa.

Privredni savjet donosi zaključak:

- Predlaže se Općini Zavidovići da formira tim za apliciranje i projekte prema fondovima i drugim institucijama koje finansiraju projekte.

Ad.6. Nacrt odluke o usvajanju Strategije razvoja poljoprivrede općine Zavidovići za period 2017. – 2022. godine

Predsjednik Privrednog savjeta stavlja ovu tačku dnevnog reda na diskusiju, te pojašnjava da je Strategija dostavljena u elektronskom obliku – CD-u zbog veličine materijala za printanje.

Diskusija: Uvodničar po ovoj tački je određen Hadžić Ibro koji je naveo da su Nacrt odluke i Strategija prihvaćeni na 9. sjednici Općinskog vijeća Zavidovići od 27.06.2017. godine i da su isti upućeni u javnu raspravu. Dalje je imenovani istakao da Strategija pored dosadašnjeg vida podrške planira subvencioniranje kamata na kredite podignute za poljoprivrednu proizvodnju. Ističe da uzgoj malina treba stručno pratiti, te su česti slučajevi da ova pomoć nije adekvatna.

Halil Muharemović ističe da postoji veliki problem nedostatka kadrova u ublasti poljoprivrede, da su česti slučajevi da kadrovi nisu kompetentni. Podržava subvencioniranje kamata na podignute kredite za poljoprivrednu proizvodnju.

Nakon zaključivanja rasprave po ovoj tački dnevnog reda Privredni savjet jednoglasno prihvata Strategiju razvoja poljoprivrede općine Zavidovići za period 2017. – 2022. godine, te se podržava ova aktivnost Općine Zavidovići koja će doprinijeti razvoju privredne djelatnost u poljoprivrednom sektoru. Pozivaju članovi Privrednog savjeta da svoje prijedloge i primjedbe dostave predsjedniku Privrednog svajeta u cilju davanja prijedloga i mišljenja u toku javne rasprave po Strategiji. Također su članovi privrednog savjeta slobodni da u svoje ime mogu učestvovati u javnoj raspravi po Strategiji.

Ad.7. Nacrt odluke o zauzimanju javnih površina

Predsjednik Privrednog savjeta napominje da su Nacrt odluke dobili kao materijal uz poziv, te stavlja ovu tačku dvenog reda na diskusiju.

Diskusija: Uvodničar po ovoj tački dnevnog reda je bio Nermin Čahtarević, koji je naveo da je Nacrt ove Odluke prihvaćen na 9. sjednici Općinskog vijeća Zavidovići od 27.06.2017. godine i da je isti upućen u javnu raspravu. Dalje je naveo da se Nacrtom odluke snižavaju naknade za zauzimanje javnih površina u prosjeku za 50% u odnosu na visinu nakande iz važeće Odluke. Također pojašnjava da je pojednostavljen postupak pribavljanja odobrenja na način da će korisnici javne površine moći tražiti kvartalno zauzimanje javne gradske površine, stim da su sankcija rigoroznije za osobe koje javnu površinu koriste bez odobrenja.

Nakon zaključivanja rasprave po ovoj tački dnevnog reda Privredni savjet jednoglasno prihvata Nacrt odluke o zauzimanju javnih površina, te se podržava ova aktivnost Općine Zavidovići. Pozivaju članovi Privrednog savjeta da svoje prijedloge i primjedbe dostave predsjedniku Privrednog savjeta u cilju davanja prijedloga i mišljenja u toku javne rasprave po Nacrtu odluke. Također su članovi Privrednog savjeta slobodni da u svoje ime mogu učestvovati u javnoj raspravi po Nacrtu odluke.

Ad.9. Nacrt odluke o administrativnim taksama općine Zavidovići

Predsjednik Privrednog savjeta napominje da su Nacrt odluke dobili kao materijal uz poziv, te stavlja ovu tačku dvenog reda na diskusiju.

Diskusija: Uvodničar po ovoj tački dnevnog reda je bio Nermin Čahtarević, koji je naveo da je Nacrt ove Odluke prihvaćen na 8. sjednici Općinskog vijeća Zavidovići i da je isti upućen u javnu raspravu. Dalje je naveo da se Nacrtom odluke snižavaju takse koje se plaćaju prilikom osnivanja obrta, srodne djelatnosti, trgovačke i ugostiteljske djelatnosti, izdavanja odobrenja za građenje i ovjere dokumenta prilikom učešća na tenderima.

Vuković Nakib traži da se provjeri tarifni broj 6. tačka 9. kako se ne bi plaćalo više u odnosu na ovjeru po jednom listu.

Remzo Sinanović smatra da se ovim vrlo malo rasterećuje privreda, ali da efekta ima i od ovog. Smatra da su ključni nameti kod izdavanja odobrenja za građenje naknade koje se plaćaju, renta i uređenje gradskog zemljišta i poljoprivredna suglasnost, koji su regulisani Federalnim propisima i na koje se ne može uticati.

Nakon zaključivanja rasprave po ovoj tački dnevnog reda Privredni savjet jednoglasno prihvata Nacrt odluke o administrativnim taksama općine Zavidovići uz provjeru tarifnog broj 6. tačka 9. Nacrta odluke, te se podržava ova aktivnost Općine Zavidovići. Pozivaju članovi Privrednog savjeta da svoje prijedloge i primjedbe dostave predsjedniku Privrednog savjeta u cilju davanja prijedloga i mišljenja u toku javne rasprave po Nacrtu odluke. Također su članovi Privrednog savjeta slobodni da u svoje ime mogu učestvovati u javnoj raspravi po Nacrtu odluke.

Privredni savjet donosi zaključak:

- Zadužuje se predsjednik Privrednog savjeta da sa nadležno Službom pripremi za sljedeću sjednicu informaciju o visini naknada koje se plaćaju prilikom izdavanja građevinske dozvole.

Ad.10. Nacrt odluke o usvajanju Prostornog plana općine Zavidovići za period 2016. - 2036. godine

Predsjednik Privrednog savjeta stavlja ovu tačku dvenog reda na diskusiju, te objašnjava da je Prostorni plan općine Zavidovići dostavljen u elektronskom obliku – CD-u zbog veličine materijala za printanje.

Predsjednik privrednog savjeta predlaže da se ova tačka dnevnog reda spoji sa tačkom Nacrt odluke o provođenju Prostornog plana općine Zavidovići za period 2016.-2036. godine zbog njihove povezanosti. Prijedlog usvojen jednoglasno.

Diskusija: Uvodičar po ovim tačkama dnevnog reda je Dedić Mirsad koji je naveo da su Nacrt odluke o provođenju Prostornog plana općine Zavidovići za period 2016.-2036. godine i Nacrt odluke o usvajanju Prostornog plana općine Zavidovići za period 2016.-2036. godine prihvaćeni na 8. sjednici Općinskog vijeća Zavidovići i da su iste upućene u javnu raspravu koja traje do 10.07.2017. godine. Dalje je istakao da je Prostorni plan pored postojećih industrijskih zona planirao i nove u Vožućoj, Kućicama, Petkovićima, Docu, Curićima. Dalje ističe da na ovim prostorima Općina Zavidovići nema riješene imovinske odnose u svoju korist i da na tome treba raditi u budućem periodu.

Delmić Ernes apelira na Urbanizam i da se svi važniji subjekti kontaktiraju po ovom Planu, jer će se njime na duži period regulisati neka područja.

Mujanović Ibrahim smatra da hidropotencijali trebaju biti u Prostornom planu, ali njihovo korištenje bi trebalo povjeriti domaćim firmama i subjektima, jer smatra da bi se oni bolje odnosili spram prirode i okoliša nego inostrane firme.

Halil Muharemović se interesovao za mostove koji su planirani na lokalitetu Gvozdeni most i Ekonomija, te misli da bi trebalo uskladiti planiranje vodozahvata za proizvodnju električne energije i inudstrijskih zona.

Dedić Mirsad ističe da se kod planiranja mnogih stvari preuzela rješenja iz prostornog plana Federacije i ZDK kao obaveza. Ističe da bi se vodopad na rijeci Gostović trebao potopiti ukoliko dođe do realizacije izgradnje male hidroelektrane na Gostoviću.

Nakon zaključivanja rasprave po ovoj tački dnevnog reda Privredni savjet jednoglasno prihvata Nacrt odluke o provođenju Prostornog plana općine Zavidovići za period 2016.-2036. godine i Nacrt odluke o usvajanju Prostornog plana općine Zavidovići za period 2016.-2036. godine. Pozivaju članovi Privrednog savjeta da svoje prijedloge i primjedbe dostave predsjedniku Privrednog svajeta u cilju davanja prijedloga i mišljenja u toku javne rasprave po Nacrtu odluka. Također su članovi privrednog savjeta slobodni da u svoje ime mogu učestvovati u javnoj raspravi po Nacrtu odluka.

Privredni savjet donosi zaključak:

- Zadužuje se predsjednik Privrednog savjeta da u ime Privrednog savjeta podnese primjedbu da se iz prostornog plana izostavi izgradnja brane i hidroelektrane na rijeci Gostović koja će potpiti vodopad na rijeci Gostović, a u cilju zaštite okoliša i razvoja turizma na području općine Zavidovići.

Ad.12. Prijedlog odluke o pristupanju izradi izmjena i dopuna Regulacionog plana „CENTAR I“ Zavidovići

Predsjednik Privrednog savjeta napominje da su Prijedlog odluke dobili kao materijal uz poziv, te stavlja ovu tačku dvenog reda na diskusiju.

Predsjednik privrednog savjeta predlaže da se ova tačka dnevnog reda spoji sa tačkom Prijedlog odluke o pristupanju izradi izmjena i dopuna Regulacionog plana „CENTAR III“ Zavidovići zbog njihove povezanosti. Prijedlog usvojen jednoglasno.

Diskusija: Uvodičar po ovim tačkama dnevnog reda je Dedić Mirsad, koji je naveo da se radi o koracima kojima se dorađuju detalji u regulacinim planovima.

Remzo Sinanović ističe da je bilo prijedloga za izgradnju šetnice.

Mujanović Ibrahim podržava izgradnju šetnice bilo gdje na području uprbanog dijela općine Zavidiovići.

Ilić Slađan podržava izgradnju šetnice i smatra da bi trebalo voditi računa u fasadama na zgradama u ulici Alije Izetbegovića.

Ernes Đelmić navodi da je šetnicu predlagao kao predsjednik Komisije za prostorno uređenje pri Općinskom vijeću Zavidovići, te samtra da bi trebalo o tome da se nešto uradi.

Nakon zaključivanja rasprave po ovoj tački dnevnog reda Privredni savjet jednoglasno prihvata Prijedlog odluke o pristupanju izradi izmjena i dopuna Regulacionog plana „CENTAR I“ i Prijedlog odluke o pristupanju izradi izmjena i dopuna Regulacionog plana „CENTAR III“. Pozivaju članovi Privrednog savjeta da svoje prijedloge i primjedbe dostave predsjedniku Privrednog svajeta u cilju davanja prijedloga i mišljenja u toku izrade Nacrta odluke o izmjenama i dopunama odluka o usvajanju izmjena i dopuna navedenih Regulacionih planova. Također su članovi Privrednog savjeta slobodni da u svoje ime mogu učestvovati u javnoj raspravi po Nacrtu navedenih odluka.

Ad.14. Razno

Muharemović Halil predlaže da se izmjeni rješenje o osnivanju privrednog savjeta kao što je to na početku tražio.

Ilić Slađan traži da se za sljedeću sjednicu Privrednog savjeta pripremi informacija o stanju zaposlenosti na području općine Zavidovići i prihodima koji se naplate u Budžet općine Zavidovići po onovu PDV-a. Đelmić Ernes.

Mujanović Ibrahim smatra da bi se trebalo za sljeću sjednicu Privrednog savjeta pripremiti materijal koji će dati informaciju na koji način se na području općine Zavidovići može formirati ustanova koja će vršiti prekvalifikaciju zanimanja i obavljati stručno osposobljavanje radnika.

Nakon zaključivanja rasprave po ovoj tački dnevnog reda Privredni savjet donosi zaključak:

- Služba za upravljanje ekonomskih poslova i poduzetništa se obavezuje pripremiti informaciju o stanju zaposlenosti i prihodu od PDV-a u Budžetu općine Zavidovićin za 2016. i 2017. godinu,
- RAZ d.o.o. Zavidovići se obavzuje pripremiti informaciju o mogućnosti i uslovima za formiranje ustanove koja će biti zadužena za prekvalifikaciju i stručno osposobljavanje radnika na području općine Zavidovići.

Sjednica Privrednog savjeta završena u 12:10 sati.

ZAPISNIK SAČINIO

Nermin Čahtarević



